



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphalias illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

Bruno Episcopus Mindensis

urn:nbn:de:hbz:466:1-28481

semper est pavidus. Ab hoc me revocat, qui
ait [1] *Popule meus, qui te beatificant, in erro-*
rem inducunt.

[1] *Isai 3. 12.*

Bruno, Mindensis Epi- scopus.

*Reperitur cum titulo Sancti apud Herm. Ler-
beke in Chron. Schawenburg. ante annos pene 300
scripto, ubi pag. 9. ita inquit: Istud Monaste-
rium pervigil Dominici gregis provisor san-
ctus Bruno Mindensis Præsul, &c. fundavit.
Quod autem addat eum ex Marchionum de Bran-
deburg sanguine ortū esse, erratum est, uti ostendit
Meibom. in notis ad hunc locum pag. 46. West-
phalum esse ex Diœcesi Mindensi ostendit Henric.
Bangertus in notis ad Helmodi Chronic. Slavorū
pag 91. & alii. Idem insinuat Reusnerus in auctar.
operis Genealogici pag. 56. ubi eum cum Ban-
gerto facit fratrem Adolphi Comitis Schaumburg.
Nec dissentit, sed potius confirmat Meibom. loc. cit.
Vita hac desumpta est ex iisdem & maxime ex
Chronico Mindensi per Meibom. edito in 4to pag.
106 & seq.*

Circa annum Christi 980 [a] in Diœcesi
Mindensi domicilium fixit homo nobi-
lis

[a] *Henric. Bangert. loc. supra cit.*

lis ex antiqua Santerleebiorum familia, nescio
 quâ causâ ab avitis circa Magdeburgum se-
 dibus in Westphalam deportatus. Prolem
 huic geminam concessere superi, Brunonem
 & Adolphum. Prior singulari eruditione sua
 & in rebus præclare gerendis dexteritate à
 Conrado 2do Cæsare in aulæ regalis curiam
 acciri meruit, ut in ea libellorum Magistrum,
 sive ut modò dicimus, Cancellarium ageret.
 Posterior à Sigefrido Mindensi, quòd fidelem
 huic ad res varias expediendas operam præ-
 stitisset, primùm fiduciario nomine variis ad
 Visurgim prædiis ac præcipuè [b] Urticarum
 monte impertitus est unâ cum titulo perpetui
 ejusdem Diœcesis Camerarii : mox etiam,
 cùm ad incitationem ejusdem Sigefridi Schaw-
 enburgum quasi speculationis castrum huic
 monti imposuisset, in Conventu Imperiali
 anno 1030 Mindæ in Westphalia habito pri-
 mus Schawenburgus Comes à Conrado Cæsa-
 re procreatus, adjectis ab Urticarum monte
 nonnullis urticæ foliis, quibus in posterum
 velut sui Comitatus insignibus uti debeat. Ex-
 stant adhuc in hujus rei olim gestæ memori-
 am antiqui versus, quos David Chytræus in
 altissima arcis istius turre æneis literis inscul-
 ptos asserit :

[b] *Vulgo Mettelenberg.*

*Annis Nongentis centenis ter quoque Denis
Post Christum natum Schomborg tenet initiatum.*

Interim aliis planè cursibus se ferebant res
Brunonis. Satiùs ipsi visum erat in cœlo sua
lucra & quæstum ponere, quàm in terra: præ-
ter amorem ac servitium unius Dei cætera va-
nitatem esse jam didicerat; ideòq; ut in po-
sterum sibi nihil ampliùs impediementi esset,
quò minùs Deo se totum traderet, abjectis
Imperialis aulæ dignitatibus inter Ecclesiæ
Magdeburgensis Canonicos vitam Clerica-
lem complexus erat. In quo vivendi genere
cùm per annos aliquot singulari virtutum ac
devotionis exemplo egregiè versatus esset,
animum Conradi Cæsaris ad eò ad sese rapuit,
ut post obitum Sigefridi Præsulis ad Ecclesiæ
Mindensis gubernacula ejus commendatio-
ne ac patrociniò evocatus sit anno 1037. For-
tunatam reputare se Minda poterat oblato
acceptòq; tam illustri Præsule. Erat enim in
pauperes liberalis, in religiosos munificus, be-
nignus in Clericos, hospitalis in peregrinos, in
omnes & omnium necessitates tam profusus,
ut penè, quidquid nummorum ad manum
flueret, id omne in aliorum necessitates &
commoda copiosis largitionibus derivaret.
Varia Religiosorum domicilia è pristina te-
nuita-

nuitate ad fortunā meliorem transtulit, Monasterium S. Mauritii in insula urbi Mindensi proxima [c] fundavit & erexit, Collegium Cathedralē novis proventibus auxit, Ecclesiæ suæ fidelissimè præfuit, eidemq; privilegia non modica ab Henrico 3tio impetravit. Neque tamen his aliisq; virtutum ac facinorum suorum ornamentis adeò defensus esse potuit, quin debuerit etiam cum sanctissimo Propheta Jobo singularis patientiæ exemplum fieri. Hæc enim solet esse genuina illa Dei filiorum nota, nobis jam olim per Apostolum tradita [d] *Fili mi, noli negligere disciplinam Domini, neque fatigeris, dum ab eo argueris: quem enim diligit Dominus, castigat; flagellat autem omnem filium, quem recipit.* Itaque postremis vitæ annis miseranda paralyfis membra invadebat & astringebat omnia: non nervum, non pedem, vix brachium aliquod movere, ut vellet, poterat: totis diebus aut jacendum in lecto, aut sedendum inter pulvinaria, aut si aliorum postularent negotia, illuc in sella gestatoria famulantium manibus deportari necessum erat. Ferebat hanc ille miseriam animo non forti solum, sed etiam penitus infrecto, adeò ut posset dicere cum S. Greg. Nazianz.

[c] Anno 1042. [d] Ad Hebr. 12. 5.

zianz. [e] *Gratias ago, sicut in lætis rebus, ita etiam in acerbis; quandoquidem illud exploratum habeo, nihil rerum nostrarum apud summam rationem expers rationis esse.* Tandem, ubi quinquennio integro tam difficili ægritudinis genere velut in camino tribulationis sufficienter excoctus esset, carnis humanæ vinculis piè exsolutus est die 10ma Februarii anno 1056, tumulatusq; in Monasterio S. Mauritii à se constructo, quod tamē postea ab Alberto de Hoya in Ecclesiam S. Simonis ad urbem translatum est anno 1435. Sepulchro ejus inscriptum fuit hoc Epitaphium :

(*chrum,*

Condidit hoc templum, quem claudit Bruno sepul-

Præsul honor patria, lumen & Ecclesiæ :

Idibus in quartis Februi caligine mortis

It cinis in cinerem : da Deus huic requiem.

[e] *Epist. 63.*

Catharina Comitissa de Hu-

ckeswagen Virgo & Canonissa in
Greffrath.

Refertur cum titulo Beata à Gelen. l. 3. hist. S. Engelberti pag. 266. ubi tamen in contextu vocat solum Venerabilem. Agit de eadem Theod. Rhay in anim. illustr. ad diem 2 tam Novemb. & 2 dā Julii, quā Reliquia S. Catharinæ Virg. & Mart. ad

D

ipsam